

## **Induduzo miBhalo - Comfort Scriptures**

**2 Korinte 1:2-4 Makube kini umusa nokuthula okuvela kuNkulunkulu uBaba wethu naseNkosini uJesu Kristu. 3 Makabongwe uNkulunkulu noYise weNkosi yethu uJesu Kristu, uYise wobubele, uNkulunkulu wenduduzo yonke, 4 osiduduza osizini lwethu lonke, ukuze nathi sibe namandla okududuza abasosizini, nolunjani, ngenduduzo esiduduzwa ngayo nathi nguNkulunkulu.**

**IzAga 15:13 Inhliziyo ethokozayo yenza ubuso bube buhle, kepha ngosizi Iwenhliziyo uyachotshozwa umoya.**

**1 AmaKhosi 8:66 Ngosuku Iwesishiyagalombili wabamukisa abantu, bayibusisa inkosi, bayu ematendeni abo bejabula, bethokoza ngenhliziyo ngakho konke okuhle uJehova akwenzile kuDavide inceku yakhe naku-Israyeli abantu bakhe.**

**1 IzIKronike 16:10 Zibongeni egameni lakhe elingcwele; mazithokoze izinhliziyo zabamfuna uJehova.**

**IzAga 12:25 Ukukhathazeka enhliziyyeni yomuntu kuyayithobisa, kepha izwi elihle liyayithokozisa.**

**IzAga 13:12 Ithemba elilitshazisiweyo ligulisa inhliziyo; isifiso esigcwaliwiweyo singumuthi wokuphila.**

**Isaya 30:26 Futhi ukukhanya kwenyanga kuyakuba njengokukhanya kwelanga, nokukhanya kwelanga kuyakuphindwa kasikhombisa njengokukhanya kwezimini eziyisikhombisa ngosuku uJehova abopha ngalo amanxeba abantu bakhe, aphulukise izilonda zemivimbo yabo.**

**Hoseya 13:8 Ngitheleka phezu kwabo njengebhore elaphuciwe amawundlu alo, ngidwengula ubhedu Iwenhliziyo, ngibadle njengengonyamakazi, isilwane sasendle sibaqaqe.**

**1 Samuweli 1:8 Wayesethi u-Elkana umyeni wakhe kuye: “Hana, ukhalelani na? Awudli ngani? Inhliziyo yakho idabukeleni na? Angidluli yini amadodana ayishumi kuwe na?”**

**1 Samuweli 1:10 Umphefumulo wakhe wawunomunyu, wakhuleka kuJehova, wakhala kakhulu.**

**AmaHubo 25:16,17 Phendukela kimi, ube nomusa kimi, ngokuba nginesizungu, ngihluphekile. 17 Izinsizi zenhliziyo yami zikhulile; ngikhiphe ezinhluphekweni zami.**

**AmaHubo 34:18 UJehova useduze nabo abanenhliziyo eyaphukileyo; uyabasindisa abanomoya odabukileyo.**

**AmaHubo 38:8 Ngibuthakathaka, ngidubekile kabi; ngiyakhala ngenxa yokugqiha kwenhliziyo yami.**

**AmaHubo 55:4 Inhliziyo yami iyathuthumela phakathi kwami; amavuso okufa angehlele.**

**AmaHubo 61:2,3 Ngikhala kuwe ngisemkhawulweni womhlaba, lapho inhliziyo yami isebuthakathakeni; ngiholele edwaleni eliphakeme kunami.**  
**3 Ngokuba ubuyisiphephelo sami, inqaba eqinileyo ngakuso isitha.**

**AmaHubo 62:8 Thembani kuye ngezikhathi zonke nina bantu, nthulule inhliziyo yenu phambi kwakhe; uNkulunkulu uysiphephelo sethu. Sela**

**AmaHubo 73:26 Inyama yami nenhliziyo yami iyaphela; nokho uNkulunkulu uyidwala lenhliziyo yami nesabelo sami kuze kube phakade.**

**AmaHubo 77:2,3 Osukwini losizi Iwami ngiyayifuna iNkosi; ebusuku isandla sami seluliwe, asidangali; umphefumulo wami wala ukududuzwa.**

**3 Ngiyamkhumbula uNkulunkulu ngibubula; ngiyazindla, umoya wami uyaphela amandla. Sela**

**AmaHubo 86:11 Ngifundise, Jehova, indlela yakho; ngiyakuhamba eqinisweni lakho; yenza inhliziyo yami iqonde ntonye, yesabe igama lakho.**

**AmaHubo 109:22 Ngokuba ngingodingayo nompofu; inhliziyo yami ilimele phakathi kwami.**

**AmaHubo 112:7,8 Akesabi imibiko emibi; inhliziyo yakhe iqinile, iyethemba uJehova. 8 Imisekile inhliziyo yakhe, ayesabi, aze azibuke izitha zakhe zipansi.**

**AmaHubo 143:4 Umoya wami uphelile kimi; inhliziyo yami igongobele phakathi kwami.**

**AmaHubo 147:3 Uyaphilisa abenhliziyo echobozekileyo; izilonda zabo uyazibopha.**

**IzAga 14:30 Inhliziyo ezolileyo ingukuphila kwenyama, kepha umhawu ungukubola kwamathambo.**

**UmShumayeli 1:13 Nganikela inhliziyo yami ukufuna nokuvivinya ngokuhlakanipha konke okwenziwa phansi kwezulu; kungumshikashika omubi uNkulunkulu awunikile amadodana abantu ukuba awushikashike.**

**UmShumayeli 2:10 Konke amehlo ami akufisayo angikugodlanga kuwo; angenqabelanga inhliziyo yami neyodwa intokoza, ngokuba inhliziyo yami yathokoza ngawo wonke umshikashika wami; lokho kwakuyisabelo sami kuwo wonke umshikashika wami.**

**UmShumayeli 2:22,23 Ngokuba umuntu unanzuzoni yawo wonke umshikashika wakhe nokukhandleka kwenhliziyo yakhe akushikashikile phansi kwelanga na? 23 Ngokuba zonke izinsuku zakhe zinobuhlungu, nomsebenzi wakhe ulusizi; yebo, nasebusuku inhliziyo yakhe ayiphumuli; nalokho kuyize.**

**UmShumayeli 11:10 Khipha usizi enhliziyweni yakho, udlulise okubi emzimbeni wakho, ngokuba ubusha nobunsizwa buyize.**

**Isaya 30:29 Niyakuhlabelela njengasebusuku lapho kugujwa umkhosi, nthokoze ngenhliziyo njengalokhu kuhanjwa ngemitshingo kuyiwe entabenikaJehova kulo iDwala lika-Israyeli.**

**Isaya 57:15 Ngokuba usho kanje ophakamileyo nophezulu, ohlala kuze kube phakade, ogama lakhe lingoNgcwele, uthi: “Ngihlala endaweni ephakemeyo nengcwele, kepha nakuye onomoya ochotshoziweyo nothobekileyo, ukuvuselela umoya wabathobekileyo nokuphilisa izinhliziyo zabachotshoziweyo.**

**Isaya 65:14 bhekani, izinceku zami ziyakujabula ngokwenama kwenhliziyo, kepha nina niyakuklewula ngokwaphuka komoya, nikale ngobuhlungu benhliziyo.**

**Isaya 66:13,14 Njengoduduzwa ngunina, kanjalo ngiyakuniduduza nina, niduduzeke ejerusalem.” 14 Niyakukubona, izinhliziyo zenu zjabule, amathambo enu ahlume njengohlaza; isandla sikaJehova siyakwaziwa ukuthi sisezinckwini zakhe, athukuthelele izitha zakhe.**

**Jeremiya 15:16 Amazwi akho afunyanwa, ngawadla; amazwi akho aba ngukujabula kimi nokuthokoza kwenhliziyo yami, ngokuba ngibizwa ngegama lakho, Jehova Nkulunkulu Sebawoti.**

**Jeremiya 24:7 Ngiyakubanika inhliziyo yokungazi ukuthi nginguJehova; bayakuba ngabantu bami, mina ngibe nguNkulunkulu wabo, ngokuba bayakubuyela kimi ngenhliziyo yabo yonke.**

**Johane 14:1 “Inhliziyo yenu mayingakhathazeki. Kholwani nguNkulunkulu, nikholwe nayimi.**

**Johane 14:27 Ukuthula ngikushiya kinina, ukuthula kwami nginipha khona. Akunjengokupha kwezwe ukunipha kwami. Inhliziyo yenu mayingakhathazeki, ingesabi.**

**Johane 16:6 Kepha ngokuba ngikhulume lokho kini, inhliziyo yenu igcwele usizi.**

**Johane 16:22 Nani-ke nilusizi manje, kepha ngiyakubuye nginibone, inhliziyo yenu ithokoze; intokozo yenu akakho onganamuka yona.**

**IzEnzo 2:46 Imihla ngemihla baqinisela nganhliziyonye ethempelini, bahlephula isinkwa ekhaya, badla ukudla kwabo ngentokozo nangobumhlophe benhliziyo,**

**AmaRoma 9:2 ukuthi nginokudabuka okukhulu nobuhlungu obungapheliyo enhliziyweni yami.**

**2 Korinte 2:4 Ngokuba ngosizi olukhulu nangobuhlungu benhliziyo nganilobela nginezinyembezi eziningi, kungabi ngukuba nidabukiswe, kodwa ukuze nazi uthando enginithanda kakhulu ngalo.**

**Efesu 5:19 niphendulane ngamahubo nangezihlabelo nangamaculo okomoya, nihlabelele, nihubele iNkosi enhliziyweni yenu,**